

中國地方志集成

雲南府縣志輯 ③④

民國景東縣志稿(三)

鳳凰出版社 ● 上海書店 ● 巴蜀書社

景東縣志稿卷之十四

藝文志二

序

引

書啟

題跋

贊

壽文

序

清

景東縣志原

清郡胡向極襄平

郡之有志即國之有史也不曰史而曰志志其郡之所有而已
倘沒其所有雖盛弗傳飾其所未有雖矣弗信不信不傳無以
顯微闡幽雖文奚補焉考古列國之史遞有述作各成一家然
至求必信必傳亦寥寥可數毋乃以事闕典則載筆其難子長
孟堅世無其匹耶矧景東微外荒僻舊志弗具曩得署守李君

大全郡孝廉楊君周行及諸庠士加意搜羅纂集成帙凡天文
地理物產人事析類分紀各釋以義非當日一方鉅典哉適戎
子間寇焚無遺久廢弗修至今觀乎山川疆域里居民數經制
度物而無所於裁也觀乎政治得失民事緩急弛張先後而無
所於稽也觀乎風氣民習異同趨舍而無所於徵也嗟乎欲彰
往昭來俾可信可傳者志不綦重歟極猥無學深懼不敏廣輯
見聞之舊以綴於篇敢曰可信可傳乎哉亦聊取郡之所有者
志之并願後之有志於斯民者其求諸所以為志也可是為序

景東縣志原序

清郡丞徐樹閔崑山

余蒞景二載奉檄修郡志洵盛舉也蓋輶軒訪俗太史陳詩在

昔已然方今自省會以迄郡邑莫不有志服政者將於此鏡得
夫焉景雖一隅其烏可缺顧向無志來遍加蒐訪始得前郡丞
胡公向極抄本一編寥寥數百言且相距六十餘年矣時移俗
易今昔異宜援據多未能備用集一二耆儒探索舊聞凡有關
民生政事風俗犖然畢具餘則概不敢綴恐貽記濫之譏輯成
而犬牙相錯者疆索也宛然在目衡從其畝者田疇也瘠沃可
稽山林之堪儲樵牧幾何泉流之足資灌溉幾何人品俗尚為
真似聲名文物為奚似爾乃計斤兩則鹽井互異議物產則泉
府有資庶幾竊附通志之末并期傳信顧是舉也出自聖天子
之休命與夫上憲之聖心一道同風無遠弗届余特奉令承教

章觀厥成爰進紳士而告之曰是志之修正文獻光昌之會也
造物不域地以生才宜各勉進修共適文化之隆俾長吏得藉
手以告無罪至編輯木工不敢辭陋方當質諸憲府以授梓人
用述其顛末

景東縣志原序

清教張問政

從來史以載事而覈實纂錄者曰吾猶及史之闕文也故春
秋之作如盟密夏五仍訛不改春秋以降代有信史其錄全賴
安足以據古而信今者則莫若一書所謂繼麟經而起者
也雖然攷之古制史有內外氏之職紀載以傳事實國既當
信謂邑之志獨可以無徵乎漢屬梁州徵外地漢司馬相如僅

一通道其後六詔紛爭蒙殺竊據亦僅同羅施鬼國靡莫蠻方
而已孰有過而問之者迨明洪武間置衛設流始隸版籍正統
中立學稍治文物然一郡之宏纖事蹟書闕有間國家車書一
統鄧理日隆政土歸流喁々向化境處偏隅共慶風淳俗美茲
蒙上憲檄令郡守徐公纂輯郡志洵鉅典哉徐公因召問政而
命之曰是舉也予夙有懷而未逮者當與子共勉之問政不敢
以諛劣辭於是廣搜博採究瑣篇詢遺老每事必求諸信仍取
前太守胡公舊志而參酌焉不十旬告竣竊恐言之不文無當
憲意或者是邦之風土情形按籍可稽不致驕誣失寔庶有旁
乎是為序

景東縣志原序

清郡 吳蘭孫

事有似輕而實重似緩而實急者其惟郡縣之志乎志緣地理志而作幾疑為文人紀載僅以資博洽送風藻不知其包羅囊括無乎弗備實有裨於吏治蓋郡縣之吏懷其地素不相習一旦蒞而治之政教設施之次第時勢變通之調劑自非參究得失斟酌古今曷由宣揚德化鉅細咸宜則志之作誠郡縣之所重賴不可一日緩者也丙午歲余奉檄來滇初攝東川之會澤越歲權守大理己酉夏臨景東本任往來於迤東之道西路者數矣山川人物俗尚風土尚能歷歷言之而終不若一讀志書之為快顧東川惟府志而會澤蓋廢地則所以志府者即所以

志縣大理風林名郡多古蹟其志較繁纂輯亦備凡一方利病
千載損益所以肅官方裕民生者瞭如指掌謂非吏治之考鏡
而至重且急之所在哉而景東乃獨無志雖其故寔已賴見於
雲南通志然通志云者合郡縣之分志而言也合者識其大分
者識其詳思景在昔隅在荒服漢唐以前未始有聞元明時屬
新磨州府暨我國家中外一統聲教四訖聖天子承承繼繼重
熙累洽自改土歸流仁漸義摩禮陶樂淑俾兜離離之鄉結有
有聲明文物之可紀不急於其地蒐羅訪葺以勒成一書守土
之謂何其輕也暇日檢故牘得聞崑山徐公樹閔志稿知景志
創於胡公向極徐公踵而修輯至今幾六十年殘缺失次究未

卒業故不揣固陋妄加校覈刪合者什六七焉參定者什五六
焉增益者什三四焉典章經制攸繫職業者載之尤備其體裁
例則一稟於通志庶幾藉以指導龜勉盡心事而亦使覽此志
者不必身至景而有見於景之人情物土以為採風問俗之一
助者或亦諒余之不敢緩其所急輕其所重云

景東縣志原序

清郡張志學 著

心之所之謂之志在傳以制六志好惡喜怒哀樂是也又漢書
有十志周禮小史掌邦國之志或者謂說文本有二解不知古
人精義貫通未可歧而二也攷古紀載之文質語而義嚴內如
美盛德顯設行軒輊予奪實以鏡前人之得失定後世之從違

因之端趨向而一心志故志與誌從同申邦國而省卻兩州邑
莫不有志所繫綦重矣余不德官滇念餘年歷十數處皆有志
卒未補開南承之甫踰月代庖金齒一切張弛愧未逮也癸酉
夏復任思所撫字而振興之已顧微比每多賈逋訟獄不乏雀
鼠甚而同室比鄰結怨構釁田廬墓壙志取力爭所謂陸甥任
邨和親康樂之休風曾不獲一昨為憾夫是非各具一心志信
必諸十室况今聖天子大化覃敷漸仁摩義無遠弗屆景雖僻
處邊徼而涵濡全數百數十年來鄉閭善士讓途讓畔種之可
法而可傳者翳豈乏人惜未嘗雕鏤事實錫錫鑠鑠彼昏不知
莫由振聾起聵耳公餘與一二僚來晤言及此學博李君繼昌

云向有志稿抄本藏趙紳家湮沒弗傳久矣命檢出閱其前亟
後著述知創始於向極胡公踵修於樹閣徐公至蘭孫吳公規
模已具內有簡闕者宜增補繁瑣者當刪裁他如村寨集市道
里多舛鹽糧供賦款項不符且營制塘塾科名節孝等類變遷
積累尤須續纂特延品學素著閱歷既深之紳耆趙君紱袁君
灋相與旁蒐博採重加考訂無紕繆影鑒之處迺集為全書計
成二十二卷期於信今傳後庶幾黎庶愧勵凜如著龜士夫修
行奉若圭臬各得好惡喜怒哀樂之正或可為懲勸之一助冀
焉書曰旌別淑慝表厥宅里彰善癉惡樹之風聲比物此志也
夫

景東縣志原序

南教 李繼昌 啓

滇在京師萬里外景東又隸省西千四百重外幅員甚廣洵所謂邊隅劇郡也夫地既遼濶儼列封域則有山川田賦城池廟社以及政事風俗太史因之以陳詩長吏因之以課績是豈可以不志志豈可以不詳周秦以前勿論己自漢以來竊據不一姓而以蠻蒙鄭趙楊段概之迄元始隸版圖然或屬盛楚仍為霸廬至有明洪武阿陶俄納款投誠賜姓陶氏而景東府姓名馬關二百七十餘年之久并無所謂稿也而何所謂志延及我大清定鼎燕京聖聖相承文教覃敷無遠弗届是以風會漸開人文蔚起康熙年間襄平胡公來守是邦寔為草創雍正年間

崑山徐公相為討志其成矣乎未凡迨乾隆庚戌辛亥蘇論門
吳公與教授馬君集耳中耆儒碩德重加修飾至是志書一稿
成矣然未付剞劂不克成編倘及今不志則代遠年湮文獻無
徵凡斷碣殘碑之有關名教者安知不與敗瓦頽垣同歸泯沒
乎中州苦階張公以聯捷進士登顯仕初任滇之廣通歷會澤
大關龍陵潞江念餘載嘉慶辛未陞補茲郡念滇南列郡皆有
志乘而景獨闕如遂慨然以纂修為兢兢適因下車伊始公事
叢冗猝不及辦甫三月邊外野夷不靖調署永昌軍書旁午踰
旬悉就安堵癸酉季夏任回本任是歲之大有造於開南而使
福星之再照也爰是竭三載求治之心力日圖維景之國計民

生其精神固已周匝於山川繡錯間舉一切可紀之事靡不隱
隱躍躍住來心目而得其梗概遂囑昌勳厥事竊幸當日創稿
之紳士其人尚在又酌後起之博學多識才長文章者演而陳
之用備一日之裁定由是擴摭舊稿蒐羅遺編採訪耆說缺者
葺之畧者詳之核真芟贗務求有以持人心維風化可信今傳
後而景東於是乎有志矣景東之志於是乎告成矣夫萬里典
郡簿書鞅掌日以訟獄徵發為急務未始不可告無愧於衾影
然於一郡之利病淑慝物華人文缺焉弗詳其何以昭茲來許
若斯編之據實備載自隱寓夫勵世磨俗之微權也異日者輶
軒下逮彙為國史則補衮之才其潤色皇猷亦豈淺鮮哉是為

序

景東縣志原序

清大
中丞程含章 月川

周官小史掌邦國之志外史掌四方之志其殆後世志書所權
與乎慨自封建變為郡邑凡佩符竹而坐政事堂者大率殊方
異土之人素於郡事不相習者也一旦詰以生客之運氣山谷
之牡牡風土之腴瘠里俗之淳漓戶口之耗登征徭之苦樂食
價之贏絀錢幣之散歛釐序之崇替時政之良窳人才之顯晦
官師之表著舉皆禱昧安能胸有成竹運一郡如指諸掌乎此
紫陽之守南康所由下車即有郡志之詢也景東本徼外荒服
地元時始入版圖不設流官明初始設屯衛迄今四百餘年志

乘不立詎非閩郡士大夫一缺陷事乎康熙初胡郡侯向極創
志草一卷越六十餘年徐郡侯樹閔增修之又越八十餘年吳
郡侯詒澄復修之殘缺荒陋規模畧備而已嘉慶己卯同郡趙
明經紱來軒先生等以新修底冊四帙寄粵囑為修葺顧余簿
書填委猝無須臾之間又去家八十餘里不克與桑梓文梓人
學士共相商訂事闕一郡記載烏敢以草率從事固辭者再先
生復走書來促曰吾年八十有三朝不慮夕但得見此書之成
俾四百年來開南之仁人孝子義夫節婦傳之不朽死復何憾
余惟先生吾鄉之正直君子也今年登耄耄時復多病猶諄諄
以郡志為囑余苟無以應命必待考訂詳明斟酌盡善竊恐書